

РУХИЙ ЗҮРЛИК БИЛАН СОДИР ЭТИЛАДИГАН ҲУҚУҚБУЗАРЛИКЛАР
ПРОФИЛАКТИКАСИ БҮЙИЧА ИЛГОР ХОРИЖ ТАЖРИБАСИ

Машарипов Шахзод Шавкат ўғли

ИИВ Академияси 3-босқич 304-гурӯҳ курсанти

Исматов Отабек Ойбек ўғли

ИИВ Академияси 3-босқич 305-гурӯҳ курсанти

Ҳуқуқбузарликлар профилактикаси муносабатларини замон талаблари асосида ривожлантириш, уни тартибга солувчи норматив базани модернизация қилиш ҳамда бу борадаги амалий фаолиятни такомиллаштиришнинг муҳим йўналишларидан бири – ушбу соҳадаги илғор хориж тажрибаларини ўрганиш, умумлаштириш, таҳлил қилиш ва миллий тизимга татбиқ этиш ҳисобланади. Ҳуқуқшунос Ю.А. Ворониннинг фикрига кўра, ижобий хориж тажрибаларини ўрганиш полиция фаолиятида кузатилаётган муаммо ва камчиликларни ўз вақтида аниқлаш ҳамда бартараф этиш имконини беради .

Руҳий зўрлик билан содир етилаётган ҳуқуқбузарликларнинг профилактикаси самарадорлигини ошириш борасидаги хорижий давлатлар тўплаган тажрибани ўрганиш асосида ҳуқуқбузарликларнинг барвақт олдини олишнинг таъсирчан тизимини яратиш, жамиятда ҳуқуқий маданиятни юксалтириш, ҳуқуқбузарлиқдан жабр кўрган шахслар билан олиб бориладиган профилактик ишларни мувофиқлаштириш, уларни олдини олишнинг замонавий ташкилий-ҳуқуқий механизмларини жорий этиш муаммоларининг илмий ечимларини топиш долзарб аҳамият касб этмоқда. Шу нуқтаи-назардан ривожланган давлатлар амалиётини ўрганиш ҳамда унинг натижаларини миллий тизимга татбиқ этиш тадқиқот ишидан кўзланган бирламчи вазифа ҳисобланади.

Америка Қўшма Штатлари (АҚШ) жиноятчиликка қарши курашиш ҳамда ҳуқуқбузарликлар профилактикаси (айниқса, зўравонлик натижасида содир этилган) амалиётида ижобий натижаларга еришган давлатлардан бири ҳисобланади. Таҳлиллар ушбу давлатда вояга етмаганлар ҳуқуқбузарликлари профилакти-касини таъминлаш бўйича ўзига хос норматив база шаклланганлигини кўрсатади. Масалан, 2002 йилда қабул қилинган «Вояга етмаганлар ҳуқуқбузар-ликлари профилактикаси ва судлови тўғрисида»ги қонун муҳим аҳамият касб етади. Мамлакатда вояга етмаганлар, аёллар, қариялар ҳамда ҳимояга муҳтоҷ шахслар ҳуқуқларини кафолатлашнинг ҳуқуқий механизмларининг кодификация қилинганлиги бу борадаги масалага давлатнинг аниқ позицияси мавжудлигини яққол кўрсатади. Хусусан, Тазиик ва зўравонлик орқали содир этиладиган ҳуқуқбузарликлар тўғрисидаги федерал кодекс вояга етмаганлар, аёллар ва қариялар томонидан ҳамда уларга нисбатан

содир етилган жиноят ва ҳуқуқбузарликларни суд тартибида ҳал этиш механизмларини белгилаб беради.

АҚШда жиноятчиликка қарши курашишнинг “мутлақ муросасизлик” (“zero tolerance”) доктринаси татбиқ етилганлигини кўриш мумкин.

Илгари-дан жорий етилган уч бўғинли (федерал, штат ва маҳаллий даражадаги) ҳуқуқни муҳофаза қилиш тизимида фаолият олиб борувчи полиция ходим-ларининг 60 % маҳаллий бўғин ҳисобига тўғри келади. Улар аҳоли билан бевосита ҳамкорликда иш олиб боради .

XX асрнинг 90 йилларида мамлакатдаги барча инновацион ресурслар жиноятчиликка қарши курашиш самарадорлигини оширишга қаратилган бўлиб, қўйидаги чора-тадбирларни ўз ичига олган:

1) ҳуқуқбузарликларни барвақт олдини олишни таъминлаш мақсадида жамоатчиликнинг қўллаб-қувват-лашига еришиш учун полицияни маҳаллий аҳолига яқинлаштиришга қаратилган ижтимоий йўналтирилган ишларни кучайтириш;

2) ўта оғир турдаги жиноятлар учун жазо тизимини кескин кучайтириш;

3) оммавий ахборот воситаларида муросасизлик доктринаси бўйича “Ҳуқуқбузарлик тўхтатилиши керак, содир етилган жиноят жазоланади” тамойили юзасидан жамоатчилик фикрини шакллантириш. Кўрилган чоралар жиноятчиликнинг умумий кўрсаткичи анча камайишига сабаб бўлган .

АҚШда вояга етмаганлар ўртасида назоратсизлик ва ҳуқуқбузарликлар профилактикаси соҳасида йўлга қўйилган амалиёт ҳам диққатга сазовор бўлиб, мактаб дастурларидаёқ одил судлов тизими асосларини ўқитиш йўлга қўйилган. Масалан, Аризона штатида машғулотлар «ўқув суди» шаклида олиб борилади. Ўқувчилар орасида полиция, адвокат, гувоҳ, журналист, судя роллари ўзаро тақсимланади. Бунда айбланувчи ролини мактаб ўқувчиларига таниш бўлмаган полиция ходими ўйнайди. Ўйин полиция ходими ва мактаб ўқитувчиси томонидан бошқарилади .

Европа мамлакатлари орасида Германия тажрибаси жуда ўринли ҳисобланади. Германия давлат бошқаруви тизимида полиция асосий ўринлардан бирини эгаллаб , ўз ичига Федерал ИИВ ва Ўлкалар ИИВларини қамраб олади. Ўлкалар ИИВлари Федерал ИИВнинг кўрсатмаларини сўзсиз бажаради, Федерал ИИВ эса субъектлар ваколатига кирадиган вазифаларга аралашаолмайди . Мамлакатда жамоат тартиби ва хавфсизлигини таъминлаш фаолиятини асосан ўлкаларнинг полициялари амалга оширади. Мамлакатда жамоат тартиби ва хавфсизлигини таъминлаш тизими марказлашмаган бўлиб, ўлкалар ҳуқуқ-тартибот хизматлари маҳсус тартиб бўйича давлат органларидан фарқланади . Германияда маҳаллий ҳокимият органига раҳбарлик қилувчи шахс ҳудуддаги полиция ташкилотининг ҳам биринчи амалдори ҳисобланади. Бинобарин, айрим ўлкалар полициялари бутунлай ёки қисман давлатга қараса,

баъзилари коммунал муассасалар ҳисобланади . Мамлакатда мазкур тизимда 160–165 минг нафар ходим хизмат қиласди.

Германия полициясининг аҳоли турар жойларида жамоат тартиби ва хавфсизлигини таъминлаш, ҳуқуқбузарликлар профилактикаси билан шуғулланувчи энг қуий тузилмалари жойларда турлича: “Бош полиция вахталари”, “Полиция вахталари”, “Полиция станциялари”, “Полиция постлари”, “Полиция инспекциялари” каби номланиши мумкин. Ушбу тузилмалар ҳам, биздаги ҳуқуқ тартибот масканларига ўхшаб кетади ва кечаю кундуз фаолият кўрсатади .

Евropa мамлакатлари орасида ҳуқуқбузарликларнинг олдини олиш соҳасида яна бир ўзига хос жиҳатга эга бўлган тизим Францияда шаклланган. Тарихан Европанинг бошқа давлатлари сингари марказлашмаган ва ҳокимиятнинг турли институтларига бўйсунган Франция полицияси бугунги кунда Ички ишлар вазирлиги тизимида бирлашган икки асосий марказий институт – Миллий полиция ва Жандармериядан иборат. Франция Ички ишлар вазирлиги ўз фаолиятини икки соҳада амалга оширади. Биринчиси бевосита полиция фаолияти бўлса, иккинчисининг фаолияти ички ишлар, ижтимоий ва маъмурий соҳалардаги кенг кўламли турли хил муаммоларни ҳал этишда акс этади. АҚШнинг Флорида штати ҳуқуқни муҳофаза қилувчи органлари томонидан ишлаб чиқилган ҳамда давлат ва хусусий секторда жорий етилган ҳуқуқий таълим дастури ҳам эътиборга лойик, 7–8-синф ўқувчиларига мўлжалланган ушбу дастур шахснинг жамиятдаги қадрияtlар тизимида тутган ўрни, фуқаронинг мажбуриятлари ва жиноят ҳуқуқи асослари, ҳуқуқтартиботни бузувчиларни кутаётган жазога доир билимларни шакллантиришга қаратилган. Ўрганилган дастурларнинг барчаси ёшлар ўртасида ҳуқуқбузарликлар профилактикасини таъминлашга маҳсус йўналтирилганлигини кўриш мумкин .

Ўрганилаётган йўналишдаги ривожланган мамлакатлар (шу жумладан, АҚШ, Канада, Британия, Германия, Ҳиндистон, Австралия) тажрибаси шуни кўрсатадики, ҳуқуқбузарликлар профилактикаси самарадорлиги уларда татбиқ етилган маҳсус дастур ҳамда лойиҳаларга бевосита боғлиқдир. “Кўшнилар назорати (neighborhood watch)”, “Жиноятчиликни тўхтатамиз (crimes topers)”, “Ташқи муҳитни ташкил этиш орқали ҳуқуқбузарликлар профилактикаси дастури (Crimeprevention throughen vironment design (broken window) (Хуқуқбузарликлар профилактикасини ташқи муҳитдан кузатув остига олиш (синиқ ойналар)”, “Safety City (Хавфсиз шаҳар)” каби дастурлар шулар жумласидан бўлиб, бугунги кунда амалиётда ижобий натижалар бериб келаётганлигини кузатиш мумкин .

Бу каби дастур ва лойиҳаларнинг амалиётга татбиқ етилиши ўз хусусиятига кўра барча мамлакатлар амалиётида ижобий натижа бериши шубҳасиз. Шу боис Президентимиз Шавкат Мирзиёевнинг ташабbusи билан

“Хавфсиз пойтахт”, “хавфсиз шаҳар”, “хавфсиз туризм” аппарат-дастурий комплекси ишга туширилди. Шу ўринда ҳуқуқшунос олим М.З. Зиёдуллаев таъкидлаганидек, ҳудуднинг жўғрофий жойлашуви, ижтимоий-иктисодий ва демографик хусусиятлари, криминоген ва тезкор вазиятидан келиб чиқсан ҳолда дифференциал ёндашувни таъминлайдиган намунавий моделларни ишлаб чиқиш ҳамда татбиқ этиш мақсадга мувофиқдир.

1975 йил БМТ Бош Ассамблеяси томонидан Халқаро аёллар йили деб эълон қилиниши, 1976-1985 йиллар Аёллар ўн йиллиги деб эълон қилиниши бутун дунёда аёлар ҳуқуқларининг принципиал масала сифатида қўйилишига асос бўлган. 1985 йилда Аёллар аҳволи юзасидан Найроби (Кения)да ўтказилган халқаро Конференцияда “гендер тенглик” тушунчаси янгича мазмун бағишилаган.

1993 йилда Венада ўтказилган Инсон ҳуқуқлари бўйича Халқаро конференция кун тартибига Аёлларнинг инсон сифатидаги ҳуқуқлари умуминсоний ҳақ-ҳуқуқларнинг ажralmas қисми эканлиги ҳақидаги масала қўйилган, 1993 йилда Аёлларга нисбатан зўравонликка қарши кураш тўғрисида Декларация қабул қилинган .

Халқаро миқёсида ва миллий қонунчилигимизда хотин қизлар ҳуқуқларига қанчалик эътибор қаратилган бўлишига қарамасдан, аёлларга нисбатан майший зўравонлик, тажовузкорлик, руҳий зўравонлик, иш ҳақларидаги номутаносибликлар каби муаммолар ҳали ҳам учраб келмоқда.

Шу жиҳатларни инобатга олган ҳолда, “Ҳимоя ордери” деган тушунчанинг кириб келиши, унинг амалиётга жорий этилганлиги хотин -қизлар ҳуқуқлари таъминланишини янги босқичга олиб чиқади, албатта.

Бунинг учун нафақат хотин-қизларимиз орасида балки кенг жамоатчилик орасида “ҳимоя ордери” ва унинг қўлланилиши ҳақида тушунтириш ишларини олиб боришимиз лозим. Зеро, қанча кўп кишиларни биз хабардор қила олсак бу тўғрисида қайсиdir маънода жамиятимизда хотин қизларимиз янада ҳимояланганлигини намоён эта оламиз.

Бугунги кунда давлатимиз томонидан хотин-қизларнинг ҳуқуқлари, эркинликлари ҳамда қонуний манфаатларини ҳар қандай шаклдаги тазийқ ва зўравонликдан ишончли ҳимоя қилиниши алоҳида назоратга олинган.

Тазийқ ва зўравонликдан жабр кўрган хотин-қизларга давлат ҳимоясини тақдим этиш тартиби, хотин-қизларга тазийқ ўтказаётган ёки уларга нисбатан зўравонлик содир этган шахсга ёки бир гурӯҳ шахсларга нисбатан белгиланган таъсир кўрсатиш чоралари қўлланишига сабаб бўладиган хужжат сифатида “Ҳимоя ордери”ни бериш тизими 2019 йил 2 сентябрда қабул қилинган “Хотин-қизларни тазийқ ва зўравонликдан ҳимоя қилиш тўғрисида”ги Қонунда белгилаб қўйилди.

Қонунга кўра, тазийқ ва зўравонликдан жабрланувчи аёл ўзига нисбатан тазийқ ва зўравонлик содир этилгани ёки уларни содир этиш таҳдиidi

тўғрисида ариза билан тегишли ваколатли органлар ҳамда ташкилотларга ёхуд судга мурожаат этиш хуқуқига эга.

Шунингдек, улар маҳсус марказларда, ишонч телефони орқали бепул хуқуқий маслаҳат олади. Ижтимоий, психологик, тиббий ва бошқа ёрдам олиш, ички ишлар органларига ҳимоя ордери бериш тўғрисидаги талаб билан мурожаат қилишга ҳақли.

Бундан ташқари Қонунда, тазийқ ва зўравонликдан жабрланувчи етказилган моддий заарнинг ўрнини қоплаш ҳамда маънавий зиённи компенсация қилиш тўғрисидаги ариза билан судга мурожаат этганда давлат божи тўлашдан озод қилиниши кўрсатиб ўтилди. Қонунда ваколатли органларнинг хотин-қизларни тазийқ ва зўравонликдан ҳимоя қилишдаги ваколат йўналишлари аниқ белгилаб берилди.

Вазирлар Маҳкамаси томонидан 2020 йилнинг 4 январ куни қабул қилинган “Хотин-қизларни тазийқ ва зўравонликдан ҳимоя қилиш тизимини такомилаштириш чора-тадбирлари тўғрисида”ги Қарор билан Низом тасдиқланган бўлиб, ушбу Низом ички ишлар органлари томонидан тазийқ ва (ёки) зўравонликдан жабрланган хотин-қизларга ҳимоя ордерини, шунингдек тазийқ ва зўравонлик содур этган ёки содир этишга мойил бўлган шахсларга ҳимоя ордерининг нусхасини бериш тартибини белгилайди. Низомга асосан, тазийқ ва зўравонлик қурбонининг мурожаати;

жисмоний ёки юридик шахсларнинг хабарлари, шу жумладан, оммавий ахборот воситалари ва (ёки) ижтимоий тармоқлар орқали тарқалган хабарлар;

тазийқ ёки зўравонлик содир этиш ёхуд уларни содир этишга уриниш ҳолатларининг ваколатли органлар ва ташкилотлар ходимлари томонидан бевосита аниқланиши;

давлат органларидан ва бошқа ташкилотлардан олинган материаллар ҳимоя ордери қўллашга асос бўлади. Ҳимоя ордери-тазийқ ва зўравонлик факти ёки уларни содир этиш хавфи аниқланган пайтдан эътиборан 24 соат ичida ва 30 кун муддатга профилактика инспекторлари томонидан берилади.

Ҳимоя ордери амал қилиши даврида хавф бартараф этилмаган бўлса, ҳимоя ордерининг амал қилиш муддати жабрланувчининг аризасига кўра кўпи билан ўттиз қунгача узайтирилиши мумкин.

Жиззах вилояти кесимида малумотлар шуни кўрсатадики тазийқ ва зўравонликка учраган хотин-қизларимизга берилган “Ҳимоя ордери”нинг умумий сони 2021 йил 749 та, шундан жисмоний 336 нафар, жинсий 3 нафар, иқтисодий 0 нафар, руҳий 381 нафар хотин-қизларимиз зўравонликнинг турли қўринишидаги хуқуқбузарликларга учраган. 2022 йилнинг тўрт ойи давомида зўравонликка учраган хотин-қизларимизнинг сони 1010 тага етганини айтиб ўтишимиз жоиз. Шундан жисмоний 281 нафар, жинсий 0 нафар, иқтисодий

0 нафар, руҳий 710 нафар хотин-қизларимизга қонунга муофиқ “Ҳимоя ордери” берилган.

Жиззах вилоятининг туманлар кесимида оладиган бўлсак 2021 йилда Жиззах шаҳрида 94 та, Ш.Рашидов туманида 142 та, Арнасой туманида 49 та, Бахмал туманида 41 та, Фаллаорол туманида 34 та, Дўстлик туманида 39 та, Зарбдор туманида 67 та, Зафараобод туманида 33 та, Мирзачўл туманида

14 та, Пахтакор туманида 49 та, Фориш туманида 112 та ҳимоя ордери қонунда кўрсатилган турли зўравонликдан жабр кўрган

хотин-қизларимизга берилган.

Жиззах вилоятининг туманлар кесимида 2022 йилнинг тўрт ойи давомида ҳимоя ордерининг қўлланилиши бўйича Жиззах шаҳрида 126 та, Ш.Рашидов туманида 94 та, Арнасой туманида 49 та, Бахмал туманида 74 та, Фаллаорол туманида 60 та, Дўстлик туманида 19 та, Зарбдор туманида 14 та, Зафараобод туманида 0 та, Зомин туманида 138 та, Мирзачўл туманида

19 та, Пахтакор туманида 54 та, Фориш туманида 326 та ҳимоя ордери берилган бўлиб ўтган йилга нисбатан зўравонликларнинг турли кўринишидаги ҳуқуқбузарликларни содир этиш ҳолатлари кўпайганлиги сабабли тазиқ ва зўравонликка учраётган вояга етмаганлар ва хотин-қизларимизни зўравонлик қурбонига айланишини олдини олиш бўйича бир қатор чора-тадбирлар ишлаб чиқилган. Фақат ишлаб чиқилган профилактик чора-тадбирларни ўз вақтида ва жойида кўллай олиш мақсадга муофиқдир.

“Хотин-қизларни тазиқ ва зўравонликдан ҳимоя қилиш тўғриси”ги қонуннинг 21-моддасида назарда тутилган “Хотин-қизларга нисбатан тазиқ ва зўравонликнинг олдини олишга доир якка тартибда”ги чора-тадбирлар турлари жумласига қуйидагилар киради:

профилактика суҳбатини ўтказиш;

ҳимоя ордерини бериш;

тазиқ ва зўравонликдан жабрланувчиларга ёрдам кўрсатиш бўйича маҳсус марказларга жойлаштириш;

зўравонлик хулқ-атворини ўзгартириш бўйича тузатиш дастуридан ўтиш.

Ушбу қонуннинг 22-моддасида профилактика суҳбати қўрсатилган бўлиб мазмuni қуйидагича:

Муайян шахсни жамиятда умум қабул қилинган хулқ-атвор нормалари ва қоидаларига риоя этишга ишонтириш, ғайриижтимоий хулқ-атворнинг ижтимоий ҳамда ҳуқуқий оқибатларини тушунтириш, шунингдек қонунда белгиланган жавобгарлик тўғрисида огоҳлантириш мақсадида профилактика суҳбати ўтказилади.

Тазиқ ва зўравонлик ҳолларини аниqlагan ваколатли орган вакили томонидан профилактика суҳбати тазиқ ўтказиш ва зўравонлик содир этишга мойил шахслар билан қонунда белгиланган тартибда ўтказилади.

Тазиқ ва зўравонликдан жабрланувчиларни маҳсус марказларга жойлаштириш чора-тадбирлари ушбу қонуннинг 28-моддасидакелтирилган бўлиб:

Зўравонлик факти мавжуд бўлган тақдирда тазиқ ва зўравонлиқдан жабрланувчининг ёки унинг қонуний вакилининг бошпана бериш тўғрисидаги талаби бўйича тегишли ваколатли органлар ва ташкилотлар тазиқ ва зўравонлиқдан жабрланувчиларнинг маҳсус марказларга жойлаштирилишини таъминлайди.

Тазиқ ва зўравонлиқдан жабрланувчини маҳсус марказга жойлаштириш унинг хоҳишига кўра ўттиз кунгача бўлган муддатга амалга оширилади. Зарурат бўлган тақдирда бу муддат маҳсус марказнинг уставида белгиланган тартибда узайтирилади. Маҳсус марказга жойлаштириш муддати тугагач, агар тазиқ ва зўравонлиқдан жабрланувчига нисбатан хавф мавжуд бўлса, маҳсус марказ маъмурияти бу ҳақда хуқуқни муҳофаза қилувчи органларга хабар бериши шарт.

Тазиқ ва зўравонлиқдан жабрланувчи маҳсус марказга жойлаштирилган тақдирда, унинг иш жойи сақлаб қолинади.

Тазиқ ва зўравонлиқдан жабрланувчининг маҳсус марказда бўлиш вақти уни таълим муассасасидан машғулотларни ўтказиб юборганлиги муносабати билан чиқариш учун асос бўлмайди.

Тазиқ ва зўравонлиқдан жабрланувчиларга ёрдам кўрсатиш билан боғлиқ харажатлар тазиқ ўтказганлиқда ва зўравонлик содир этганлиқда айбор деб топилган шахсдан ундирилиши мумкин.

Умуман олганда, қабул қилинган ушбу қонун ҳамда давлатимиз томонидан амалга оширилаётган бу каби тадбирлар жамиятда, турмушда, иш жойларида, таълим муассасаларида ҳамда бошқа жойларда хотин-қизларга бўлган ҳурматни ошириш, тазиқ ва зўравонлик ҳолларининг олдини олишга, уларнинг хуқуқларини ҳимоя қилишга хизмат қиласи.